

緒論

中國邊疆，地區廣大，蘊藏豐富，惟以國人向不注意，甚至目爲甌脫，一切情形，茫然不知，貨棄於地，無人開發，而鷹瞵虎視之接壤強鄰，遂起豔羨，始而爲學術之調查，繼而作政治之侵略，如日之於東北，俄之於蒙新，英之於康藏，法之於雲南等，其調查研究之圖籍，汗牛充棟，其侵牟略奪之野心，日進無已。及於今日，東北淪亡，西北險惡，國人若再不羣起挽救，則國家前途，豈堪設想！蓋帝國主義者，環伺四方，饕餮無厭，得尺進丈，剝牀及膚，我不奮起，豈特邊疆不保，屏藩盡撤，則三江流域，又豈能安枕哉！作者不啻，前曾編有新疆史地大綱一冊，今又輯是一書，其最大之願望，實欲藉此引起國人之注意，從而力謀邊疆之開發，因失之東隅，守之桑榆，實吾人今日應負之責也。爰將地理上之西藏與歷史上之西藏，先爲作一總合之敘述，以便讀者易得一概括之觀念焉。

A 地理上之西藏


西藏位居國之西陲，其地東西最廣處約二千一百里，南北最長處約一千四百里，面積共約二百三十三萬方里。其四境東接西康，南界印度，中隔以不丹、尼泊爾、哲孟雄三小國，西南鄰印度之克什米爾，北連新疆，東北毗

青海。其地舊分四部：一曰康，即今之西康省；一曰前藏，一曰後藏，一曰阿里。據舊書所載，衛者即前藏也，此實大謬。蓋衛者，即所以供衛前藏也，地在今印度孟加拉一帶，已爲英帝國主義所奪，國人昧於邊疆地理，誤以衛即前藏，戒之戒之！又英人別具野心，恆以西藏之範圍，包括青海與西康，如英國外交家，亦爲英國派駐西藏之代表，名查理柏爾（Sir Charles Bell）者，著西藏今昔觀一書，於一九二四年出版，其首作有西藏圖一幅，即將青海西康二省，合於西藏境內，此實吾人不能不特別提出加以糾正者也。茲將柏爾所作之圖，轉載如左，公諸國人，俾資注意。同時亦可見英人對我西藏之考察研究，較諸國人之程度爲何如乎？

西藏爲世界第一高原，境內層岩疊嶂，高矗雲霄，帕米爾高原，密邇於西，崑崙山脈，盤踞於北，喜馬拉雅山脈，蜿蜒於南，岡底斯山脈，綿亙於中，地勢隆峻，風土高寒，於斯爲極；其喜馬拉雅山之高峯曰埃佛勒斯峯者，拔海二萬九千零二十二呎，白雪皚皚，終年不消，在昔稱爲世界第一高峯，惟近自大洋洲巴布亞島之諾斯山脈中，發現一高峯曰黑爾姑兒斯者，高出海面三萬二千七百餘呎後，埃佛勒斯峯之高度，退居世界第二矣。

③西藏河流，以雅魯藏布江、印度河、怒江爲最著，但三河之中，在西藏境內者，則以雅魯藏布江爲最大；而印度河在西藏境內者皆爲上流，下流入於印度；怒江在西藏境內者亦爲上流，下流入於西康雲南。西藏湖泊，爲數甚多大別之，可分三羣：中部湖羣，以騰格里湖及唐格拉攸穆湖等爲最著；南部湖羣，以羊卓雍湖及馬品木達賴池等爲最大；西北湖羣，以班公湖及伊克池等爲有名，惟伊克池據云近已乾涸矣。西藏氣候，以地勢高峻，寒風凜冽，

英國人所作之西藏圖



空氣乾燥，故俗諺有云：『藏人身穿羊皮衣，一年四季不可離；』但其東南部雅魯藏布江流域，則以受印度洋季風之影響，氣候較為適宜，雨澤亦頗豐富，蓋嚴寒地帶，惟西北部耳。又西藏多暴風，往往為害人畜，故秋冬春季，遊歷其地者，當以晨曦初啓，濃霜堅白之時為宜，蓋暴風之起，多在日中午後也。

西藏物產，東南部以土地平坦，氣候較宜，故水草豐美，農植稱富，人文亦盛，農產之最著者，則為青稞等類，青稞亦麥之種，西藏人民賴以生活者即此也；他如大小麥等，亦頗可觀，藥材如大黃、黃連等更稱有名。動物各種皆有，惟野獸中以羚羊、犀牛為最著，家畜以犛牛、羊、馬為有名。礦物甚富，惟皆埋藏地下，未經開發為可惜耳；其中最稱豐富者，首推東部之金，量多質良，可與北美之加利福尼亞省（California）相媲美；此外如鹽之出產，遍地皆是，湖鹽尤稱有名。西藏森林，則以中南部最稱繁密。至於工藝，除佛像、佛具及線香等堪稱佳品外，餘無足述。

西藏交通，以地勢險峻，甚不便也。我內地之往西藏者，耗時費力，備感困難。然英人築有印藏鐵路，已達藏邊之大吉嶺，我則往往反由印度入藏，較為便捷。西藏陸上大道有四：一為由拉薩東逾西康入四川，是為通川大道；一為由拉薩東北經青海至西寧，是為通甘大道；一為由拉薩西行經日喀則至噶大克，自此折而北行至新疆，是為通新大道；一為由拉薩西南經江孜、亞東至大吉嶺，是為通印大道。至於水運，除雅魯藏布江可通舟楫外，餘皆水勢湍急，不能行船，無航運之可言。郵電，僅拉薩有郵局，電線之設，可通江孜以達印度。然此皆英人圖謀侵略西藏之所為，非西藏政府之自動設辦也。